

Na osnovu člana 23. Statuta Sportskog saveza Srednjobosanskog kantona/Kantona Središnja Bosna, Upravni odbor Sportskog saveza Srednjobosanskog kantona/Kantona Središnja Bosna, na 8. sjednici održanoj 30. novembra 2022. godine u Travniku (prečišćeni tekst), donosi

P R A V I L N I K O NAGRADAMA I PRIZNANJIMA Sportskog saveza SBK/KSB

I OPĆE ODREDBE

Član 1.

U cilju daljeg stimulisanja što uspješnijih rezultata i unapređenja sporta na Srednjobosanskom Kantonu/Kantonu Središnja Bosna, ovim Pravilnikom utvrđuju se vrste nagrada i priznanja koje dodjeljuje Sportski savez Srednjobosanskog kantona/Kantona Središnja Bosna (u daljem tekstu Savez).

Član 2.

Nagrade i priznanja Saveza su znaci priznanja koja se dodjeljuju za rad ili djela koja zaslužuju opće priznanje i isticanje.

Član 3.

Upravni odbor Saveza i udružene organizacije mogu predlagati zaslužne sportiste, sportske radnike i organizacije za odlikovanja i druga priznanja, ukoliko se ocjeni opravdanost odavanja priznanja za postignute rezultate u oblasti sporta.

Član 4.

Priznanja predviđena ovim Pravilnikom mogu se dodjeljivati i licima i organizacijama stranih država u znak priznanja za plodnu saradnju i međunarodno razumjevanje.

Član 5.

Komisiju za nagrade i priznanja sačinjava predsjednik, dopredsjednik i tri (3) člana iz reda priznatih sportista i sportskih radnika koje imenuje Upravni odbor Saveza.

Mandat predsjednika, dopredsjednika i članova traje četiri (4) godine, koliko traje i mandat članovima Upravnog odbora Sportskog saveza SBK/KSB.

Članovi svih radnih tijela Sportskog saveza SBK/KSB nisu u sukobu interesa ako su nominirani za neku od nagrada i priznanja. Isti se, ako su članovi nekog tijela koji donosi odluku, ne izjašnjava i ne glasaju u kategoriji u kojoj su nominirani.

II NAGRADE I PRIZNANJA SU:

Član 6.

- 1. Nagrada za životno djelo**
- 2. Plaketa Sportskog saveza SBK/KSB-zlatna, srebrna i bronzana**
- 3. Priznanje “ Sportski radnik godine “**
- 4. Nagrada « Sportski novinar godine «**
- 5. Posebna priznanja sportistima i organizacijama**
- 6. Izbor sportiste SBK/KSB**

1. Nagrada za životno djelo

Član 7.

Nagrada za životno djelo u oblasti sporta dodjeljuje se licima koja neprekidno, najmanje 50 godina, imaju kontinuirane aktivnosti u oblasti sporta i imaju izuzetno zapažene rezultate i doprinjele razvoju i unapređenju sporta u sljedećim područjima:

- Znanstveno-istraživački rad u oblasti sporta,
- Publicistički rad u oblasti sporta,
- Organizacijski i sistematski doprinos u oblasti sporta,
- Projektovanje i izgradnja sportske infrastrukture,
- Vrhunsko međunarodno dostignuće.

Član 8.

Nagrada za životno djelo sastoji se od plakete, novčane nagrade ili nekog drugog prikladnog poklona. Visinu novčane nagrade određuje se posebnom odlukom Upravni odbor Saveza.

Član 9.

Nagrada za životno djelo može se dodijeliti istom licu samo jedanput.

Član 10.

Nagradu za životno djelo predlaže Komisija za nagrade i priznanja na osnovu prijedloga pojedinaca, grupe građana i pravnih lica (klubova, sportskih asocijacija, udruženja i drugih institucija iz oblasti sporta i obrazovanja) sa područja SBK/KSB i dostavlja je Upravnom odboru Saveza na usvajanje. Godišnje se dodjeljuje jedna (1) nagrada za životno djelo, izuzev u slučaju kada Sportski savez SBK/KSB ima jubilee (10., 20., 30. godina kontinuiranog rada), a i tada se mogu uručiti najviše tri (3) nagrade za životno djelo.

Nagrada za životno djelo uručuje se na svečanom skupu koga organizira Sportski savez SBK/KSB.

Član 11.

Pravo predlaganja kandidata za nagradu za životno djelo imaju pojedinci, grupe građana i pravna lica (klubovi, sportske asocijacije, udruženja i druge institucije iz oblasti sporta i obrazovanja) sa područja SBK/KSB.

Prijedlozi se upućuju Komisiji za nagrade i priznanja Upravnog odbora Saveza, a oni treba da sadrže sljedeće:

- Dokaze o vremenu aktivnog rada u sportu;
- Karakteristike od strane sportskih organizacija, obrazovnih i društvenih institucija u kojima je kandidat aktivno radio;
- Vrijeme njegovog rada; postignuti rezultati kao aktivnog sportaša i stručnog radnika, a da oni predstavljaju opću društvenu vrijednost;
- Da je takav rad doprinio cjelokupnom razvoju sporta, unapređivanju njegovih sadržaja i metoda rada, te da je taj rad doprinio produbljivanju prijateljstva, razumjevanja i afirmaciji sporta,
- Sva dobijena dosadašnja društvena i sportska priznanja;
- I da jednom riječju je, kandidat svojim radom, zalaganjem i ukupnim ponašanjem bio uzor i podsticaj svim učesnicama u sportu.

2. Plaketa Sportskog savez SBK/KSB

Član 12.

Plaketa Sportskog saveza/prijedlog i konačni izgled plakete utvrdit će se idejnim rješenjem-raspisat će se javni oglas/dodjeljuje se licima i organizacijama, za zasluge u oblasti sporta, svake godine u određenim prilikama i to:

1. Organizacija za naročite uspjehe postignute u izgradnji sportskih površina i objekata, uzdizanju stručnih kadrova i ostvarenju vrhunskih sportskih rezultata;
2. Sportskim radnicima koji su ostvarili izvanredne rezultate u omasovljenju organizacija, njenom uspješnom rukovođenju i razvoju, popularizaciji sporta uopće kao i dugogodišnji uspješni rad u organizacijama sporta.
3. Stručnim radnicima-trenerima za osposobljavanje sportista za postizanje vrhunskih rezultata i vaspitni rad sa sportistima;
4. Pedagozima tjelesnog odgoja za naročito uspješne rezultate u planskom i sistemskom izvođenju nastave, radu u vannastavnim aktivnostima učenika, stvaranju materijalnih uslova za sport u školama, uspješan sportsko-pedagoški rad, kao i vaspitni rad sa djecom;
5. Zdravstvenim radnicima, inžinjerima i drugim stručnim licima za aktivan doprinos značajnom za razvoj sporta u okviru svoje struke;
6. Licima i organizacijama u zemlji i inostranstvu zaslužnim za postignute rezultate na unapređenju i razvoju sporta.

Član 13.

Priznanja su:

- Plaketa Sportskog saveza-zlatna dodjeljuje se za aktivan rad preko 40 godina;
- Plaketa Sportskog saveza-srebrna dodjeljuje se za aktivan rad preko 35 godina;
- Plaketa Sportskog saveza-bronzana dodjeljuje se za aktivan rad preko 30 godina;

Član 14.

Plakete se dodjeljuju nakon dugogodišnjeg rada, a pod dugogodišnjim radom društveno-sportskog radnika podrazumjeva se kontinuirani rad preko 40, 35 i 30 godina u organizacijama sporta (klubovima, sportskim savezima, sportskim asocijacijama i drugim institucijama iz oblasti sporta i obrazovanja), kada su u pitanju sportske organizacije Plaketu mogu dobit u povodu najmanje 30 godina kontinuiranog postojanja i rada.

Član 15.

Plakete predlaže Komisija za nagrade i priznanja na osnovu prijedloga pojedinaca, grupe građana i pravnih lica (klubova, sportskih asocijacija, udruženja i drugih institucija iz oblasti sporta i obrazovanja) sa područja SBK/KSB i dostavlja je Upravnom odboru Saveza na usvajanje. Plakete pojedincima može se dodjeliti samo jedna (1) u svakoj kategoriji (zlatna, srebrna i bronzana plaketa), izuzev u slučaju kada Sportski savez SBK/KSB ima jubilee (10., 20., 30. godina kontinuiranog rada), a i tada se mogu uručiti najviše tri (3) nagrade u svakoj kategoriji (zlatna, srebrna i bronzana plaketa). Plakete Sportskog saveza SBK/KSB (zlatna, srebrna i bronzana) dodjeljuju se sportskim organizacijama u godini kada pune jubilee (najmanje 30. godina).

Plakete se uručuju na svečanom skupu koga organizira Sportski savez SBK/KSB.

Član 16.

Pravo predlaganja kandidata za Plaketu Sportskog saveza imaju pojedinci, grupe građana i pravna lica (klubovi, sportske asocijacije, udruženja i druge institucije iz oblasti sporta i obrazovanja) sa područja SBK/KSB.

Prijedlozi se upućuju Komisiji za nagrade i priznanja Upravnog odbora Saveza, a oni treba da sadrže sljedeće:

- Dokaze o vremenu aktivnog rada u sportu;
- Karakteristike od strane sportskih organizacija, obrazovnih i društvenih institucija u kojima je kandidat aktivno radio;
- Vrijeme njegovog rada; postignuti rezultati kao aktivnog sportaša i stručnog radnika, a da oni predstavljaju opću društvenu vrijednost;
- Da je takav rad doprinio cjelokupnom razvoju sporta, unapređivanju njegovih sadržaja i metoda rada, te da je taj rad doprinio produbljivanju prijateljstva, razumjevanja i afirmaciji sporta,
- Sva dobijena dosadašnja društvena i sportska priznanja;
- I da jednom riječju je, kandidat svojim radom, zalaganjem i ukupnim ponašanjem bio uzor i podsticaj svim učesnicama u sportu.

3. Priznanja „Sportski radnik godine“

Član 17.

Priznanja „Sportski radnik godine“ dodjeljuje se sportskom radniku koji tokom kalendarske godine ostvari izvanredne rezultate u omasovljenju organizacija, njenom uspješnom rukovođenju i razvoju, učestvuje u ostvarivanju visokih sportskih rezultata, popularizaciji sporta uopće kao i dugogodišnji uspješni rad u organizacijama sporta. Priznanje „Sportski radnik godine“ dodjeljuje se jedno (1) za kalendarsku godinu.

Član 18.

Priznanja „Sportski radnik godine“ sastoji se od plakete, novčane nagrade ili nekog drugog prikladnog poklona. Visinu novčane nagrade određuje se posebnom odlukom Upravnog odbora Saveza.

Član 19.

Priznanja „Sportski radnik godine“ dodjeljuje se svake godine i može se dodjeliti samo jedna nagrada za kalendarsku godinu ako je nominovano najmanje pet (5) različitih nominacija.

Član 20.

Priznanja „Sportski radnik godine“ dodjeljuje Komisija za nagrade i priznanja na osnovu prijedloga pojedinaca, grupe građana i pravnih lica (klubova, sportskih asocijacija, udruženja i drugih institucija iz oblasti sporta i obrazovanja) sa područja SBK/KSB i dostavlja je Upravnom odboru Saveza na usvajanje.

Priznanje „Sportski radnik godine“ uručuje se na manifestaciji „Izbor najboljeg sportiste Kantona“.

4. Nagrada „Sportski novinar“

Član 21.

Nagrada „Sportski novinar“ dodjeljuje se sportskom novinaru za rad u sportskom novinarstvu, za objektivno i blagovremeno praćenje sportskih događaja na prostoru SBK/KSB.

Član 22.

Nagrada „Sportski novinar“ sastoji se od plakete, novčane nagrade ili nekog drugog prikladnog poklona. Visinu novčane nagrade određuje se posebnom odlukom Upravnog odbora Saveza.

Član 23.

Nagrada Nagrada „Sportski novinar“ dodjeljuje se svake godine i može se dodjeliti samo jedna nagrada za kalendarsku godinu ako je nominovano najmanje tri (3) različite nominacije.

Član 24.

Nagradu „Sportski novinar“ dodjeljuje Komisija za nagrade i priznanja na osnovu prijedloga sportskih novinara, sportskih redakcija pisanih i elektronskih medija, pojedinaca, grupe građana i pravnih lica (klubova, sportskih asocijacija, udruženja i drugih institucija iz oblasti sporta i obrazovanja) sa područja SBK/KSB i dostavlja je Upravnom odboru Saveza na usvajanje.

Nagrada „Sportski novinar“ uručuje se na manifestaciji „Izbor najboljeg sportiste Kantona“.

5. Posebna priznanja sportistima i organizacijama

Član 25.

Povodom značajnih jubileja i postignutih rezultata pojedinaca i organizacija, Upravni odbor Saveza može dodijeliti posebna priznanja i novčane nagrade.

Član 26.

Priznanja pojedincima i organizacijama dodjeljuju se za ostvarene uspjehe na Olimpijskim igrama, Svjetskim i Evropskim prvenstvima, Mediteranskim i Balkanskim igrama u seniorskoj konkurenciji za osvajanjem zlatne, srebrne ili bronzane medalje, a ne za učešće na istim.

Član 27.

Priznanje pojedincima i organizacijama mogu biti:

- povelja;
- pohvala;
- diploma;
- vrijedni predmeti;
- novčane nagrade.

Iznos novčane nagrade utvrđuje Upravni odbor Saveza, priznanja se dodjeljuju na svečanom skupu koje organizira Sportski savez SBK/KSB.

6. Izbor sportiste SBK/KSB

Član 28.

Proglašenje najboljih sportista vrši se svake godine u mjesecu februaru na svečanom skupu. Način izbora i vrstu priznanja utvrđuje Upravni odbor Saveza na osnovu Pravila za izbor sportiste i sportske ekipe SBK/KSB koji je sastavni dio ovog Pravilnika, a na osnovu odluke Komisije za nagrade i priznanja koje imenuje Upravni odbor Saveza.

Nagrade se uručuju na manifestaciji „Izbor najboljeg sportiste Kantona“.

III ZAVRŠNE ODREDBE

Član 29.

Tumačenje ovog Pravilnika daje Upravni odbor Sportskog saveza SBK/KSB.

Član 30.

Pravilnik stupa na snagu s danom donošenja i dostavit će se svim članicama Saveza.

Broj: 01-296/2022-11-30

Datum: 30. novembar 2022. godine

P R E D S J E D N I K
Mirsad Ibrišimbegović, dipl. inž. arh.